

Bosna i Hercegovina
FEDERACIJA BOSNE I HERCEGOVINE
AGENCIJA ZA NADZOR OSIGURANJA
FEDERACIJE BOSNE I HERCEGOVINE
SARAJEVO

O B A V I J E S T

Izbijanje COVID-19 (Coronavirus) i njegovo globalno širenje stvorilo je neposredne izazove za kompletno društvo i rizike za cijeli sistem finansijskog poslovanja. Iz navedenog razloga, osiguravajuća društva moraju biti u mogućnosti nastaviti ispunjavati svoju zakonom propisanu ulogu, a pritom umanjiti mogućnost povećanja vlastitog rizika.


U cilju stvaranja povjerenja na tržištu u poslove osiguranja i sprečavanja obavljanja poslova osiguranja koji su u suprotnosti sa Zakonom i podzakonskim aktima iz oblasti osiguranja ili poslova u onom dijelu u kojem bi društva za osiguranje ili posrednici u osiguranju u Federaciji Bosne i Hercegovine mogla biti iskorištena u svrhe koje su protivne zakonu i podzakonskim aktima u uvjetima vanrednog stanja, Agencija za nadzor osiguranja Federacije Bosne i Hercegovine svim društvima za osiguranje koja posluju u Federaciji Bosne i Hercegovine, neovisno od toga da li imaju sjedište u Federaciji Bosne i Hercegovine ili u Republici Srpskoj, dodatno ukazuje na obvezu poštivanja Premijskog sistema X-AO i dužnost provođenja Mjere za osiguranje od nezakonitog vođenja poslova u oblasti obaveznog osiguranja od automobilske odgovornosti broj: 01-059-3608 od 27.12.2017. godine kojom se zabranjuju nezakonita davanja osiguranicima obaveznog osiguranja od automobilske odgovornosti.

Svakako da se, u okviru vlastitih kapaciteta, trebaju poduzeti mjere i koraci kako bi se ublažio utjecaj pandemije na tržištu osiguranja ali to ni u kom slučaju ne znači da osiguravajuća društva mogu odstupati od primjene Premijskog sistema X-AO.

Dominantno učešće obaveznog osiguranja od automobilske odgovornosti na tržištu Federacije BiH i novonastala situacija dovode do povećane opasnosti da cijene premije za osiguranje od automobilske odgovornosti budu ispod onih koje su propisane, a što bi prouzrokovalo negativne posljedice na likvidnost i solventnost društava, a posljedično tome i na sposobnost isplate šteta što bi dovelo do narušavanja ukupne stabilnosti tržišta osiguranja.

Dakle, bez obzira na izazove prouzrokovane pandemijom korona virusa ovom prilikom želimo istaći i upoznati sve sudionike na tržištu osiguranja da Agencija za nadzor osiguranja Federacije Bosne i Hercegovine apsolutno neće tolerirati bilo kakvo kršenje propisa, te će u narednom periodu vršiti pojačan nadzor, posebno u segmentu poslovanja u vrsti osiguranja od odgovornosti za motorna vozila.

Agencija za nadzor osiguranja Federacije Bosne i Hercegovine, kao regulatorno tijelo uspostavljeno temeljem zakona u cilju zaštite osiguranika i osiguravača ima zakonsku obvezu poduzimanja aktivnosti nadzora nad primjenom zakona i podzakonskih akata iz oblasti osiguranja i drugih propisa u radu društava za osiguranje i posrednika u osiguranju tako da će, bez obzira na novonastalu situaciju, prema subjektima nadzora, kod kojih se utvrdi kršenje propisa poduzimati zakonom predviđene mjere.



Broj: 01-06.1-059-915/20
Sarajevo, 07.04.2020. godine